

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **MIŠLJENJE**

**po zahtjevu privrednog subjekta „NESTRO PETROL“ a.d. Banja Luka**

**Sarajevo**  
**mart, 2016. godine**

Broj: 01-26-7-02-1-I/16  
Sarajevo, 08.03. 2016. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta „NESTRO PETROL“ a.d. Banja Luka, Kralja Alfonsa XIII broj 9, 78000 Banja Luka, Konkurencijsko vijeće, na 123. (stotinudvadesettrećoj) sjednici održanoj dana 08.03.2016. godine, je donijelo

## MIŠLJENJE

Privredni subjekt „NESTRO PETROL“ a.d. Banja Luka, Kralja Alfonsa XIII broj 9, Banja Luka, Bosna i Hercegovina (u daljem tekstu: NESTRO PETROL ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za mišljenje (u daljem tekstu: Zahtjev) zaprimljen dana 08.02.2016. godine pod brojem: 01-26-7-02-I/16.

Podnosilac zahtjeva traži mišljenje o postojanju obaveze podnošenja prijave koncentracije u slučaju zaključivanja Ugovora o osnivanju prava građenja sa trećim licima radi izgradnje mini benzinskih stanica.

Podnosilac zahtjeva navodi slijedeće:

- da ima osnovnu registrovanu djelatnost trgovina gorivima na malo u specijalizovanim prodavnicama (benzinskim stanicama).
- da trenutno posluje u preko 86 maloprodajnih objekata (benzinskih stanica), te da prema vlastitim procjenama na tržištu maloprodaje nafte i naftnih derivata na tržištu Bosne i Hercegovine ima udio od 7,81 %.
- da u narednom periodu planira zaključiti Ugovor o osnivanju prava građenja sa vlasnicima zemljišta na više lokacija u BiH, a u cilju izgradnje mini benzinskih stanica, na period od 10 do 15 godina. Na navedenim parcelama bi, nakon dobijanja potrebnih saglasnosti od nadležnih organa, bili postavljeni samouslužni aparati za točenje motornih goriva.
- da je u pitanju neizgrađeno zemljište koje je vlasnik dužan prije potpisivanja Ugovora prilagoditi namjeni, odnosno pretvoriti ga u građevinsko zemljište i obezbjediti minimalne tehničke uslove za izgradnju mini benzinskih stanica.

Podnosilac Zahtjeva navodi kako je Konkurencijsko vijeće donijelo Zaključak o odbacivanju Prijave koncentracije broj 01-03-26-1-025-5-II/11 od dana 19.1.2012. godine, kojim je utvrđeno da kupovina prvenstvenog prava korištenja radi građenja benzinske stanice nije oblik koncentracije predviđen članom 12. Zakona o konkurenciji. Prema Mišljenju Konkurencijskog vijeća broj 01-26-7-20-1-I/12 od 31.1.2013. godine građenje benzinske pumpe na zemljištu koje je stečeno kupoprodajom ne predstavlja nijedan oblik koncentracije propisan članom 12. Zakona o konkurenciji.

Također, u 2014. godini Konkurencijsko vijeće je na zahtjev Podnosioca izdalo Mišljenje broj: 01-26-7-13-2-I/14 od dana 25.09.2014. godine u kojem je navedeno da zakup zemljišta radi postavljanja samouslužnih aparata za točenje motornih goriva ne predstavlja osnov za prijavu koncentracije pod uslovom da se radi o zakupu zemljišta bez infrastrukture, odnosno ako društvo samostalno izgrađuje nove maloprodajne objekte za točenje motornih goriva. Također, prema Mišljenju Konkurencijskog vijeća broj: 01-26-7-01-1-I/15 od dana 29.01.2015. godine uzimanje u koncesiju zemljišta radi gradnje benzinske stanice ne predstavlja nijedan od oblika koncentracije.

Konkurencijsko vijeće navodi da je članom 12. stav (1) Zakona, propisano šta se smatra koncentracijom i to:

- a) spajanje ili pripajanje nezavisnih privrednih subjekta ili dijelova privrednih subjekta.
- b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
  - 1. sticanjem kupovinom većine dionica ili udjela osnovnog kapitala; ili
  - 2. sticanje većine prava glasa; ili
  - 3. na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Članom 12. stav (2) Zakona, propisao je da sticanje kontrole se ostvaruje putem prava, zaključivanjem sporazuma ili drugim sredstvima kojim jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata.

Članom 14. stav (1) Zakona, propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Konkurencijsko vijeće na osnovu primjene navedenih odredbi smatra da se u predmetnom slučaju ne radi o koncentraciji, ali pod uslovom da je zemljište na kojem će se graditi mini benzinske stanice bez infrastrukture (izgrađenih objekta - npr. benzinskih stanica), odnosno ako privredni subjekt "NESTRO PETROL" samostalno izgrađuje nove mini benzinske stanice za točenje motornih goriva.

Ovo mišljenje je dato isključivo na osnovu navoda iz Zahtjeva.

**Predsjednica**

**mr. Arijana Regoda-Dražić**

Dostavljeno:

- „NESTRO PETROL“ a.d. Banja Luka, Kralja Alfonsa XIII broj 9, 78000 Banja Luka
- a/a